

ԿԱՆՈՆԱԿԱՐԳ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՖԱԿՈՒԼՏԵՏԻ ՄԵԹՈԴԱԿԱՆ ԽՈՐՀՐԴԻ

1. Ընդհանուր դրույթներ

- 1.1. Սույն կանոնակարգը սահմանում է ԵՊՀ ֆակուլտետի մեթոդական խորհրդի իրավասության եւ ձեւավորման, աշխատանքի կարգը:
- 1.2. ԵՊՀ ֆակուլտետի մեթոդական խորհրդի կանոնակարգը ԵՊՀ կանոնադրության 13 կետի է) ենթակետի հիման վրա հաստատում է ԵՊՀ գիտական խորհուրդը: ԵՊՀ ֆակուլտետի մեթոդական խորհրդի կանոնակարգի մեջ փոփոխությունները եւ լրացումները կատարվում են նույն կարգով:

2. ԵՊՀ ֆակուլտետի մեթոդական խորհրդի կարգավիճակը եւ կազմը

- 2.1. ԵՊՀ ֆակուլտետի մեթոդական խորհուրդը ուսումնամեթոդական (գիտամեթոդական) հարցերը քննարկող խորհրդակցական մարմին է, որը կոչված է նպաստելու ֆակուլտետում տարվող ուսումնամեթոդական եւ գիտամեթոդական աշխատանքների կատարելագործմանը եւ արդյունավետության բարձրացմանը:
- 2.2. Մեթոդական խորհուրդը ձեւավորվում է համամասնական սկզբունքով՝ յուրաքանչյուր ամբիոնից մեկական անդամ, որոնք ամբիոնների ներկայացմամբ ընտրվում են ֆակուլտետի խորհրդում:
- 2.3. Մեթոդական խորհրդի նախագահին ղեկանի առաջարկությամբ (բաց քվեարկությամբ) ընտրում է ֆակուլտետի խորհուրդը:
- 2.4. Ելնելով անհրաժեշտությունից՝ մեթոդական խորհուրդը ռոտացիայի սկզբունքով կարող է փոփոխել կազմը:

3. ՊՀ ֆակուլտետի մեթոդական խորհրդի խնդիրները

- 3.1. ԵՊՀ ֆակուլտետի մեթոդական խորհրդի խնդիրներն են՝
 - ա) դասավանդվող առարկաների բովանդակության համապատասխանեցումը պետական կրթական չափորոշիչներին եւ գիտական արդի պահանջներին,
 - բ) ֆակուլտետում իրականացվող մասնագիտությունների, ուսումնական պլանների, առարկայական ծրագրերի քննարկումը եւ երաշխավորումը,
 - գ) նոր եւ հեռանկարային մասնագիտությունների ու մասնագիտացումների առաջարկումը՝ համապատասխան կրթական ծրագրերով,
 - դ) դասագրքերի եւ ուսումնական ձեռնարկների պատվերի ու դրանց գրախոսության կազմակերպումը,
 - ե) դասավանդվող առարկաների յուրացման նոր, մատչելի եղանակների առաջարկումը ու իրականացման կազմակերպումը (հեռուստոցման, համակարգչային ցուցադրական մեթոդների կիրառում եւ այլն),
 - զ) լաբորատոր եւ գործնական աշխատանքների բովանդակային համապատասխանեցումը կարողացվող տեսական դասընթացներին,
 - է) ընթացիկ, պետական ու ասպիրանտական քննությունների հարցաշարերի քննարկումը եւ երաշխավորումը, մնացորդային գիտելիքների ստուգման հարցաշարերի ձեւավորումը,
 - ը) ուսումնական պրակտիկաների արդյունավետության բարձրացման ուղիների առաջարկումը,
 - թ) արտերկրից եկած ուսանողների համար կրթական ծրագրերի մշակումը,
 - ժ) հետբուհական կրթությանը վերաբերող կրթական ծրագրերի մշակումը եւ առաջարկումը:

4. ԵՊՀ ֆակուլտետի մեթոդական խորհրդի աշխատակարգը

- 4.1. ԵՊՀ ֆակուլտետի մեթոդական խորհուրդը հարցերը քննարկում է դեկանի առաջարկով կամ ֆակուլտետի խորհրդի որոշմամբ:
- 4.2. ԵՊՀ ֆակուլտետի մեթոդական խորհրդի նախագահը գումարում եւ անցկացնում է խորհրդի նիստերը, ղեկավարում է խորհրդի ընթացիկ աշխատանքը, ներկայացնում է այն ֆակուլտետի խորհրդում եւ այլ օղակներում, ստորագրում է մեթոդական խորհրդից ելնող փաստաթղթերը:
- 4.3. ԵՊՀ ֆակուլտետի մեթոդական խորհուրդը հարցերը քննարկում է իր նիստերում, որոնք անցկացվում են աշխատանքային ծրագրին համապատասխան կամ ըստ անհրաժեշտության:
- 4.4. Իր խնդիրները կատարելիս ԵՊՀ ֆակուլտետի մեթոդական խորհուրդը տալիս է առաջարկություններ կամ լիազորություններ եւ դրանք ներկայացնում է դեկանին կամ ֆակուլտետի խորհրդին:
- 4.5. ԵՊՀ ֆակուլտետի մեթոդական խորհրդի նիստերն արձանագրվում են: Արձանագրությունները ֆակուլտետի մեթոդական խորհրդի նախագահի հանձնարարությամբ կատարում է մեթոդական խորհրդի անդամներից մեկը:
- 4.6. ԵՊՀ ֆակուլտետի մեթոդական խորհուրդը իրավունք ունի ֆակուլտետի կառավարման մարմիններից, կառուցվածքային ստորաբաժանումներից եւ պաշտոնատար անձանցից ստանալ իր խնդիրների եւ լիազորությունների իրականացման համար անհրաժեշտ փաստաթղթեր եւ նյութեր:
- 4.7. ԵՊՀ ֆակուլտետի մեթոդական խորհրդի նիստերն իրավասու են խորհրդի անդամների առնվազն կեսի ներկայության դեպքում:
- 4.8. ԵՊՀ ֆակուլտետի մեթոդական խորհրդի փաստաթղթերը եւ եզրակացությունները հաստատվում են ներկա գտնվող անդամների ձայների պարզ մեծամասնությամբ: Ձայների հավասարության դեպքում վճռորոշ է հանձնաժողովի նախագահի ձայնը:
- 4.9. ԵՊՀ ֆակուլտետի մեթոդական խորհրդի անդամներին իրավունք ունեն խորհրդի արձանագրության մեջ մտցնել հատուկ կարծիք: